


斷愚禪師語錄

C40
4514
(258)



C 40-4514

丁君上座請大藏及南
家書置之武州普雲山
我徵笑塔院庭府中未
為學者不敢許出院內
富山二世鐵牛機謹誌



B 64853

斷愚大師語錄序

善書



拈花之旨雲廓天布揚光續
燄代不乏人惟南嶽至臨濟
獨名正傳而宗風大振於虎
丘隆盛於徑山範而範之嫡
嗣曰斷橋倫祖倫十四傳為

普明用祖我永正法叔一老
和尚迺普明嫡子敬嚴祖道
弘闡大猷座下親灸磨光多
至一二十秋未輒放行今法
兄斷愚大師得骨得髓爲永
正墮地獅兒恂恂篤實事師

孝謹其自處固凜凜然若氷
雪至于接物導生則又春風
向大塊一木一草咸欣欣有
得宜師囑累之偈有嚴持戒
律若氷霜竭盡忠心輔祖綱
之句所由然矣及讀退菴語

錄則一一胸襟流出妙在殺
活縱橫超脫自在絕不蹈襲
行過舊徑出一言着着有爲
人爪牙吐一句的的示衲僧
家作略與學者抽釘拔楔奪
食驅耕如九轉靈丹立地令

人轉凡成聖若非深澈乎源
底則性海翻瀾波光際天詎
能若是耶蓋此一莖花自瞿
曇拈後數千餘稔擲在糞掃
堆頭被我斷兄拾起舉似十
方暗香觸鼻疎影撩人其誰

爲破顏者

康熙庚戌仲秋己亥望旦瓶

山法弟真本項謙敬題



斷愚智禪師語錄目次

序

卷上

陞座

小叅

示衆

機緣

行實

卷下

頌古

頌偈

自讚

嘉興退菴斷愚智禪師語錄卷上

侍者機純等錄

康熙甲辰臘月望日衆檀護請陞座僧問如何是奪
人不奪境師云徑僻遊郎絕林深月影遲進云如何
是奪境不奪人師云芟除閒草木脚下迴無私進云
如何是人境兩俱奪師云不存車馬跡豈立主賓儀
進云如何是人境俱不奪師云客來呈舊面花落長
新枝進云人境已蒙師指示向上宗乘事若何師便
打進云恁麼則祖燈恒不墜烜赫利人天師云閣黎
分上作麼生僧一喝便禮拜師復打乃云萬里無雲

擲述
微骨寒一輪紅日上層巒
因檀護慙勸請勉向當
陽露一斑遂舉拂子云會麼若喚者個作境要且蹉
過山僧若喚者個作人爭奈不識拂子若喚者個作
人境兩俱奪正如掩耳偷鈴若喚者個作人境俱不
奪亦似空華病眼所以世尊說法四十九年末後靈
山會上全提此事故初祖西來不立文字直指人心
見性成佛復舉拂子云若向者裡擔荷得去恁麼也
得不恁麼也得恁麼不恁麼總得天上有星皆拱北
人間無水不朝東設或未然曹溪波浪如相似無限
平人被陸沉拂一拂

復舉斷橋偷祖上堂云荆山有玉獲得者不在荆山
赤水有珠拾得者不在赤水衲僧有無位真人證得
者出入不在面門驀拈拄杖橫按云會麼幽州江口
石人蹲師云偷祖雖則提持親切顯發慈悲未免令
人智境兩立退菴卽不然荆山有玉獲得者妙淨瑩
潔赤水有珠拾得者圓明洞澈衲僧有無位真人證
得者出入本無途轍驀拈拄杖卓一下云會麼大地
山河一片雪喝一喝下座

誕日衆檀信設齋請陞座僧問如何是寶中寶師云
縱步踏紅塵進云如何是寶中主師云行行皇化裡

撰述
進云如何是主中賓師云携杖指迷津進云如何是
主中主師云堂堂誰敢觸進云吾師誕日四衆雲臻
向上一句又作麼生師便打進云恁麼則壽量超群
象家風出衆儔師云汝更道看僧一喝歸衆師云拄
杖子笑你在乃云有愧劬勞產我身欲酬罔極復何
伸鐵牛踏破千山雪石女敲開不二門一着先天須
委悉半肩碎衲漫親冰河皸起非常事枯木花開
劫外春舉拂子云如是會得則徧界無踪跡全身絕
覆藏能爲萬象主不逐四時忙千聖皆同證森羅共
舉揚四恩咸可報三有悉蒙光便能拈一莖草作丈

六金身將丈六金身作一莖草於無佛處現佛攝化
有情以無法處說法令歸正覺轉山河國土歸自己
淨盡無餘轉自己向山河國土縱橫自在全賓卽主
全主卽賓然後一爲無量無量爲一塵塵爾刹刹爾
如精金百煉赤體純真似皎月騰輝圓明無礙雖然
猶未是空劫已前面目在祇如今日蒙衆慶誕一句
且止作麼生是空劫已前面目復舉拂子云從來佛
眼難窺覩透出威音更那邊喝一喝
復舉長沙景岑禪師因僧問如何轉得山河國土歸
自己去沙曰如何轉得自己成山河國土去僧曰不

會沙曰湖南城下好養民米賤柴多足四隣僧無語沙乃示偈曰誰問山河轉山河轉向誰圓通無兩畔法性本無歸師云岑老還丹不悟空施點鐵之功者僧其力未充徒有吞吳之志有問退菴如何轉得山河國土歸自己去卽向他道恰好更問如何轉得自己成山河國土去亦對他道恰好若人透得者兩轉語不唯雙眼圓明管取丹霄獨步其或未然氣逼殺人卓拄杖一下下座

陞座舉德山一日飯遲托鉢至法堂因風起浪雪峯曰者老漢鐘未鳴鼓未響托鉢向甚麼處去當面蹉過山便低頭歸方丈藏身露影峯舉似巖頭納敗不少頭曰大小德山未會末後句在打草驚蛇山聞令侍者喚巖頭問汝不肯老僧那作賊人心虛頭密啓其意一鈞便上山明日上堂果與尋常不同殺人刀活人劒頭曰且喜老漢會末後句塗汚人不少雖然也祇得三年活伎倆已盡山果三年而歿疑殺天下人大衆者一隊漢總被退菴捉敗了也且作麼生是末後句驀拈拄杖卓一卓喝一喝云然雖如是更聽一偈因風起浪入雲堂一片婆心絕覆藏雪老惜乎已蹉過齋公多口妄施張低頭歸室全披露携杖登

壇重舉揚末後三年渾漏洩豁開宗眼漫搏量復卓
拄杖下座
陞座僧問如何是退菴境師云古木冲霄漢烟霞遠
遠村進云如何是境中人師云觀體無回互當軒爲
指陳僧禮拜師便打問永正老人道寒灰當發燄枯
木也花開是甚麼人分上事師便打進云恁麼則臨
濟家聲振長溪面目新師云脚跟下更須喫棒僧便
喝師復打乃舉南明和尚示衆云五峯頭卓朔雙徑
尾顛先喝石巖一任踣跳明月池覆地傾天此四句
中有一句有殺人刀無活人劍有一句有活人劍無

殺人刀有一句殺人刀活人劍俱有有一句殺人刀
活人劍俱無棟點得個儻分明許你參學事畢師云
退菴亦有四句舉似大衆非敢與南祖爭英貴圖兩
彩一賽溪水翻銀浪庭梅笑晚香寒鴉鳴落日清磬
響叢篁此四句中有一句有賓無主有一句有主無
賓有一句賓主交參有一句賓主迴絕然雖如是要
見南祖則易要見退菴則難若能檢辨得出祇可且
居門外如或謬亂指陳何止白雲萬里設有個漢知
得山僧恩入得山僧室正好朝打三千暮打八百且
道山僧畢竟有何超卓驀拈拄杖云掀倒上重關板

子出頭天外更誰知卓一卓下座

除夕小叅僧問年窮歲盡時如何師云明日是新正
進云恁麼則大家齊拱賀徧界樂昇平也師云且緩
緩僧一喝歸衆師云放你三十棒乃舉北禪智賢禪
師曰年窮歲盡無可與諸人分歲老僧烹一頭露地
白牛炊黍米飯煮野菜羹燒楮火大家喫了唱村
田樂何故免見倚他門戶傍他墻剛被時人喚作郎
下座歸方丈至夜深維那至方丈問訊曰縣裡有公
人到賢曰作甚麼那曰道和尚宰牛不納皮角賢遂
將下頭帽擲地上那便拾去賢下禪床擒住曰賊賊

那將帽覆賢頂曰天寒且還和尚賢呵呵大笑那出
去時法昌爲侍者賢顧昌曰者公案作麼生昌曰潭
州紙貴一狀領過師云北禪雖則片片赤心未免傍
觀者哂維那向虎領下將鬚也是陣後典兵唯有法
昌較些子蝦跳不出斗總把龜毛繩子束向一邊了
也退菴卽不然家風澹泊無可與諸人分歲祇得麥
飯黃虀喫了一任經行打坐何故卓拄杖云道泰不
傳天子令時清休唱太平歌下座

小叅不用如何若何便請單刀直入有麼有麼一僧
纔出師劈脊便打僧云某甲話也未問因甚便打師

撰述
云者漆桶話頭也不識僧喝師復打又僧出師亦打
云且道者棒賞你罰你僧擬語師又打又僧出師打
云討甚麼碗僧無語師亦打乃云若是伶俐漢道頭
知尾便合休去何更要師家添鹽添醬適來僧纔出
山僧便打且道意在於何要汝等直下承當省力去
何必登山涉險帶水拖泥出一叢林進一保社三根
椽下七尺单前磨視擦袴廢寢忘食討許多生受喫
卓拄杖云還委悉麼若委悉得始知釋迦不先彌勒
不後達磨不來東土二祖不往西天若不委悉大有
事在莫道山僧不道好復卓拄杖下座

示衆

佛誕示衆舉世尊初生一手指天一手指地同行七
步目顧四方曰天上天下唯吾獨尊雲門曰我當時
若見一棒打殺與狗子喫貴圖天下太平師云黃面
瞿曇纔生下地示大人相作獅子吼怎奈藏頭露尾
雲門正令雖行要且脚跟未點地在退菴恁麼道還
有爲古人雪屈者麼卓拄杖云鶴有九臯難翥翼馬
無千里漫追風

示衆舉世尊靈山會上拈起一華顧視大衆時百萬
人天盡皆罔措唯金色頭陀破顏微笑世尊曰吾有

正法眼藏涅槃妙心實相無相微妙法門付囑摩訶
迦葉師云世尊向虛空裡釘椽爭奈百萬人天不覺
頂門痛尊者破顏微笑眼中着楔且道退菴又作麼
生舉拂子云男兒自有冲天志豈向他人行處行
示衆舉世尊陞座大衆集定文殊白椎曰諦觀法王
法法王法如是世尊便下座師云世尊大似一座須
彌山子囑圖無縫却被文殊一椎擊碎了也直得大
地衆生觸體敲磕且道退菴又作麼生舉拂子云將
此深心奉塵刹是則名爲報佛恩擊禪牀便起
示衆舉世尊在第六天說大集經勅他方此土人間

天上一切獰惡鬼神悉皆集會受佛付囑擁護正法
設有不赴者四天門王飛熱鐵輪追之令集旣集會
已無有不順佛勅者各發弘誓擁護正法唯有一魔
王謂世尊曰瞿曇我待一切衆生成佛盡衆生界空
無有衆生名字我乃發菩提心師云世尊休去雷音
大震魔王將謂出一頭地殊不知弄巧成拙好與三
十拄杖何故暗裡抽橫骨明中坐舌頭佛魔俱屏跡
脫體自風流喝一喝

示衆舉世尊示隨色摩尼珠問五方天王此珠而作
何色時五方天王互說異色世尊藏珠復搯手曰此

珠作何色天王曰佛手中無珠何處有色世尊曰汝何迷倒之甚吾將世珠示之便強說有青黃赤白色吾將真珠示之便總不知時五方天王悉自悟道師云大小世尊話作兩橛檢點將來猶欠慈悲雖然天王悟去堪作甚麼退菴若作世尊各與三十拄杖何也殺人刀活人劍

示衆舉達磨大師一日命門人曰時將至矣汝等盍各言所得平時有道副對曰如我所見不執文字不離文字而爲道用祖曰汝得吾皮尼總持曰我今所解如慶喜見阿閼佛國一見更不再見祖曰汝得吾肉道育曰四大本空五陰非有如我見處無一法可當情祖曰汝得吾骨最後慧可出但禮拜依位而立祖曰汝得吾髓乃傳衣付法師云初祖昔年脫空謾語賺他個個承虛接響直饒二祖禮拜依位而立未免亦被塗污退菴旣自爲他兒孫且道有甚長處敢恁麼道擲拄杖云意氣不從天地得精金那復帶泥沙喝一喝便起

示衆舉六祖大師曰吾有一物無頭無尾無名無字無背無面諸人還識麼神會出衆曰是諸法之本源神會之佛性師云六祖大師如將一口縵天網子撒

禪述
向當陽了也可惜荷澤自甘投入若是退菴待恁麼道卽便掀倒禪床喝散大衆不獨慶快平生亦使後昆盡皆灑灑落落遂作舞歸方丈

示衆舉汾州無業禪師曰一毫頭聖凡情念未盡未免入驢胎馬腹裡去白雲端曰直饒一毫頭聖凡情念頓盡亦未免入驢胎馬腹裡去師云一人放行中把住一人把住中放行若也檢點得出一任驢胎馬腹裡得大自在其或未然切莫帶累山僧好卓拄杖
一下

示衆舉水潦和尚問馬祖如何是西來的的意祖曰

禮拜着潦拜下祖乃當胸踏倒潦忽契悟撫掌呵呵大笑曰也大奇也大奇百千三昧無量妙義祇向一毫頭上識得根源去住後每謂衆曰自從一喫馬師踏直至如今笑不休師拈拄杖召衆云若向者裡會去不惟省力要且看破水潦如或未然聽取一頌水潦參馬祖拜倒喫一踏百千妙義門從此都抹殺卓一下云不抹殺萬古清風無阻闔便起

示衆舉趙州從諗禪師曰念佛一聲漱口三日師云大小趙州眼不能着屑量不能容人退菴卽不然錦上鋪花非分外縱橫無處不稱尊且道趙州底是退

樞述
臨濟禪師之錄卷上
七
菴底是或有個出來道富嫌千口少貧恨一身多山
僧與伊一棒直須是個人始得何故重賞之下要求
勇夫卓拄杖便起

示衆舉臨濟大師上堂曰赤肉團上有一無位真人
常在諸人面門出入未證據者看看時有僧出問如
何是無位真人濟下禪牀擲住曰道道僧擬議濟托
開曰無位真人是什麼乾屎橛師云臨濟大師豁開
無位真人面目立地令人證據却被者僧一拶直得
壁立萬仞更爲下個註脚轉見婆心者僧不顧危亾
挺身而上其奈有眼如盲負恩不少若是退菴者僧
纔問和聲便棒何故不見道爲人須爲徹殺人須見
血且道與古人相去多少具眼者辨看

示衆舉香巖開法時馮山遣僧送書并拄杖到巖接
得曰蒼天蒼天僧便問和尚爲甚如此巖曰抵爲春
行冬令師云大小香巖把不住被拄杖子轉不得者
僧一拶幾乎屈辱大瀉雖然還知退菴落處麼拍膝

下座

示衆舉夾山上堂曰我二十年住此山未曾舉着宗
門中事僧便問承聞和尚有言二十年住此山未曾
舉着宗門中事是否山曰是僧便掀倒禪床山休去

明日普請掘一坑令侍者請昨日問話僧至曰老僧二十年祇說無義語今請上座打殺老僧埋向坑裡便請便請若不打殺老僧上座自着打殺埋向坑裡始得其僧歸堂束裝潛去師云夾山掘坑驗人不知禍出私門者僧挨身白刃其奈有前無後當時若作者僧待夾山恁麼道乃撫掌大笑云大眾看者老漢轉見敗闕非唯自有出身之路管取夾山一場慳懼然雖如是且作麼生爲夾山出氣卓拄杖云渠儂語脉超玄路縱奪偏能得自由

示衆舉三聖上堂曰我逢人卽出出則不爲人便下

座典化曰我卽不然逢人卽不出出則便爲人師云一人半路抽身一人就窠打劫二老發揚臨濟宗旨雖則力挽千鈞光生八極要且未有向上事在祇如退菴恁麼道大眾還甘麼以拄杖一時打散

示衆舉郢州芭蕉慧清禪師上堂拈拄杖曰你有拄杖子我與你拄杖子你無拄杖子奪却你拄杖子下座大瀉曰你有拄杖子我奪你拄杖子你無拄杖子我與你拄杖子師云芭蕉扶強不輔弱大瀉輔弱不扶強退菴卽不然你有拄杖子我不與不奪你無拄杖子我不奪不與何故聾卓拄杖云本來此事無餘

欠好肉何須更挖瘡

示衆舉斷橋偷祖叅徑山無準和尚山以狗子因何有業識命下語凡三十轉皆不契祖曰可無方便乎山舉真淨頌言有業識在誰云意不深海枯終見底人死不知心祖悚然良久忽聞板聲大悟師云徑山正如倚勢欺人偷祖亦似無繩自縛幸爾拈得個鐵蒺藜子直得頭破血淋未免殃及兒孫徹骨徹髓退菴今日忍俊不禁拋在搥搥堆頭了也遂高聲召云諸人還見麼擲拄杖下座

端陽示衆鄉城戶戶換新符野衲蕭然迥舊模冷落

雲厨無黍粽聊將盃茗代菖蒲大衆山僧恁麼道且道是世諦耶是佛法耶謂是世諦退菴旣爲佛祖兒孫爭合恁麼道是佛法祇如大衆又見個甚麼道理乃卓拄杖一下云會麼粉骨碎身未足酬一句了然超百億喝一喝便起

示衆舉華頂無見先觀禪師因白雲度箇西來密意未審如何頂曰待娑羅峯點頭卽向汝道雲以手搯拽擬答頂便喝雲曰娑羅峯頂白浪滔天花開芭種後葉落立秋前頂曰我家無殘羹剩飯也雲曰此非殘羹剩飯而何頂領之師云華頂掀翻地軸白雲掣

轉天關雖然當處風光其奈未稍鈍置退菴今日要與二老漢雪屈舉拄杖云白雲盡處見青山行人更在青山外卓一下便起

示衆舉大崗澄禪師凡見僧請益乃曰佛法不是鮮魚怕爛却那卽趁出夷峯寧待傍忽大悟師云大崗老人見僧請益便湧出一座鐵壁銀山實是險崿孤峻無人能構夷峯當時失脚一跌直得通身粉碎且道還有相救者麼以兩手作托勢云遏遮來

示衆舉天目寶芳進禪師曰拈花微笑節外生枝面壁安心画蛇添足山僧者裡無禪可參無道可學直教一個個成佛作祖去汝等還信得及麼良久拍膝曰劒號巨闕玉出崑崗師云天目老漢雖則赤心片片爭奈龍頭蛇尾退菴卽不然我者裡無禪可參無道可學直教一個個灑灑落落去諸人還肯麼拈拄杖一時趁散

示衆舉徑山無幻冲和尚編無趣老人錄歸趣曰子一向做得個甚麼山曰性冲買得一段田收得原本契書請和尚僉押乃將錄呈上趣接得曰者個是我底你底甞山曰和尚莫攙行奪市趣擲下錄本山便出師云父子投機與奪自在然雖足可觀光其奈露

撰述
樁不肯大衆且道請訛在甚麼處驀拈拄杖卓一下便起

示衆舉典善南明廣和尚因聞谷大師問了卽業障本來空未了應須償宿債因甚獅子尊者被廟寶國王斬却南曰本來空聞曰爲什麼王臂自落南曰本來空聞曰和尚意旨如何南曰本來空師云甸山激揚個事舉古明今典善直指當機轉凡成聖且道畢竟意旨如何以拂子劃一劃云莫錯會好

示衆舉普明芻湖老人謁湛然和尚問目前無法意在目前其旨如何湛曰聞令師出關是否湖曰不是目前法非耳目之所到又作麼生湛揖曰請出我要止靜湖便出師云言中有響句裡藏鋒收放同時主賓互換如兩鏡相照二日竝輝然雖如是且道離諸問答又作麼生與二老相見遂拽拄杖下座

示衆舉拄杖云古人道識得拄杖子參學事畢退菴卽不然識得拄杖子正好喫棒且道因甚如此乃卓一下云太平本是將軍致不許將軍建太平便起

示衆舉芻湖老人同雪嶠大師上弦夜翫月次嶠指月問那半個在那裡去了湖良久曰會麼嶠曰也祗得半個湖却問那半個在那裡去了嶠亦良久湖曰

撰述
也祇得半個嶠乃呵呵大笑師云二老爲那半個費却許多腕頭力作麼者裡若有問那半個在那裡去了但舉拳云鑑他更如何劈面便掌一僧出師打一棒便歸方丈

示衆舉石雨和尚舉鴛湖老人拈瑞巖主人公話曰白日青天作夢夢中頻喚主人直饒惺惺諾諾也是無主孤魂問衆曰瑞巖是了手底人爲甚他道是無主孤魂不知瑞巖過在甚麼處衆下語不契復曰莫道無人激發好師云橫身舉唱盡力拈提則不無二大老要且蹉過瑞巖祇如退菴恁麼道意作麼生乃

卓拄杖云不圖打草祇要驚蛇

示衆舉永正老和尚晚叅曰日間圖頭請浴山僧向他道道得卽去頭擬議山僧道恁麼則不浴也行者曰請和尚脫脚山僧便去大衆若道行者是則認奴作郎若道圖頭不是又扶強抑弱若道二人俱是正是顛頂佛性儻侗真如若道二俱不是且道因甚不從圖頭請却依行者去試定當看衆無語乃卓拄杖曰選佛若無如是眼爲人難破死生關喝一喝便起師云者老漢三百六十骨節八萬四千毫竅盡情對衆抖擻了也惜乎未得其人是晚智上座若在便出

衆禮拜云恩大難酬非唯不負洪慈亦且要與老漢相見退菴恁麼道還有恁麼人麼良久云爲惜當年垂釣叟於今布網又空施拽拄杖便起

示衆以拂子拂云還見麼眼如葡萄朶決定是見擊禪床云還聞麼耳如新捲葉一定是聞當時靈雲見桃華香巖聞擊竹便乃悟去祇如退菴恁麼老婆因以道把手勸君行不得唯人自肯乃方親敢問大衆還有自肯者麼好與山僧提瓶挈杖何故如此復以拂子打○○○下座

機緣

僧問大悲千手眼那一隻是正眼師云烟籠岸柳枝枝綠僧云不會師云雨洗溪桃朶朶紅僧禮拜云蒙和尚指示師云錯認定盤星

師問僧死了燒了向什麼處去僧云者裡去師云不是者樣底汝問我僧乃問死了燒了向什麼處去師撫掌三下僧禮拜師云莫向鬼窟裡作活計

僧問達磨西來教外別傳畢竟傳個什麼師云龜毛拂子僧云意旨如何師云觸破面門

問弓折箭盡還有奇特事否師云飢來喫飯困來眠

天童錦曇禪士問人人盡有生緣如何是和尚生緣
師云常憶江南三月裡鷓鴣啼處百花香問如何是
我手何似佛手師云天上有星皆拱北人間無水不
朝東問如何是我脚何似驢脚師云陋巷不騎金色
馬回途却着破爛衫曇作禮師便打
僧叅師云山僧者裡趙州家風也沒得僧云以何物
相待來者師云一個空拳僧云某甲空拳亦沒得師
云非汝境界僧擬進語師便打出
師舉數珠問皋亭僧云會麼僧云不會師云你也有
底因甚不會僧一喝師乃連打兩掌

僧問如何是衲僧眼師云瞎僧云意旨如何師云瞎
問海上僧云汝曾見觀音麼僧無語師云蹉過了也
又問海上風波洪大往來不易僧又無對師笑云險
師將一僧鼻孔扭云爲甚麼你鼻孔落在地下僧云
何曾師云何故你不知香臭僧無語師云拾取好
僧問假使百千劫所作業不忘爲甚麼一稱南無佛
罪滅河沙劫師云苦海無邊回頭是岸
僧問古人作此○相云萬象森羅總在其中具眼禪
人試甄別看請問大師如何甄別師云全露法中王
僧問仇人相見卽不問賓主道合事如何師云南瞻

部州打鼓西瞿耶尼作拍

僧問香巖擊竹未審當時見個甚麼道理便悟去師云鼻孔原來搭上唇

士問得本底人還有生死否師云生死且止喚什麼作本土擬議師劈面一掌云莫道無生死好

僧問因甚古人道佛之一事我不喜聞師云天上天下唯我獨尊

僧問不觸不背意旨如何師云無毛鷄子潑天飛

僧問大透脫底人因甚披枷帶杻師云不是苦心人不知僧云畢竟如何師云頭頂天腳踏地

行實

已酉臘八日震澤龐全力設普茶同大眾請說行脚師却之衆固懇師云予愧道不如先哲行不迨前賢福薄德慙識淺學荒何足言也然逼不得已未免一番露布子乃秀水金氏子父號成丹母唐氏生於天啓壬戌四月二十七日也不幸二親早喪老祖拊養長成齟齬時嘗夢觀音大士爲予摩頂因專持菩薩名號老祖事佛行善凡至藍若子必隨往常喜禮佛愛慕出家至十六祖有疾欲完姻事予立志不從未幾祖乃坐脫予痛淚失怙次年祖母亦故殯塋訖予

自念生死無常出家時至矣遂辭親族蒙送東塔禪
寺禮覺如老師披剃是辛巳二十歲也至癸未請雪
嶠大師結制予充行者於方丈一日灑掃次嶠問你
爲什麼出家予云父母早亡爲懼生死嶠云何不參
個無生死底予便禮拜請問如何是無生死底嶠打
一掌云你自去看予悚然再拜自此疑情猛發日夜
體究明春同老師往臬亭結茅遂乃佛前立願若不
徹悟誓不出山終日癡跌地絕不與人共語少倦
則痛加鞭策忘飧廢寢坐立不安一日斫柴次正逃
悶間有兔躍出不覺失刀株立擬取刀忽然有省乃

迹偈云觸破孃生面全身沒處藏落花隨水去紅日
耀山崗呈老師師甚喜是丙戌二十五歲也無幾老
師圓寂完其後事聞古南牧老和尚赴梅溪開堂設
戒其時路紮重兵憤志出山徑至嘉禾具禮叅見南
問甚處來予云臬亭南云來作甚麼予云乞和尚圓
戒南云衣鉢完具否予打圓相呈捧勢南云弄虛頭
漢子云和尚莫壓良爲賤南云更道看予禮拜云謝
和尚慈悲期畢辭出叅浮老和尚問云何處來予云
梅溪浮拈拄杖云梅溪還有者個麼予云有浮云既
有又來作麼予舉坐具云特來呈似和尚浮便打予

禮拜云某甲罪過浮命茶留住後同道友往報恩叅
玉老和尚玉纔見乃拈起拄杖予便敷具作禮玉擲
杖便歸臥室予收具便出復至興善叅永正老人於
靜室予問靈雲曰自從一見桃花後直至如今更不
疑因甚玄沙却道敢保老兄未徹在老人云直不藏
曲子云未審徹底人分上如何受用老人云飢來喫
飯倦卽打眠子禮拜辭出老人云不得問了便休大
須仔細命至堂中謁馥生大師馥德風雅厚因勸錫
焉一日呈偈老人接得便打子擬進語老人又打子
纔禮拜老人直打出子自愧見地未得超卓明春啓

大悲期請入懺堂期畢復進室中禮拜老人乃問你
在懺期中還見大悲菩薩麼予云在和尚頂門放光
了也老人云在老僧頂門與汝有甚交涉予豎拳云
請和尚證明老人連打三掌子禮拜老人便一踏子
自此脫然遂呈偈云向謂無能及從今脫見知森羅
休作舞萬象漫提撕老人領之是戊子年二十七歲
也時在躬師亦在堂中相與甚契一日登閣次躬問
如何得徧現色身子云更上一層樓躬云謝師答話
予云莫錯會好是秋紳衿諸護法恭請老人住永正
禪院子卽同在躬隨侍時當初住子雖在侍寮內外

諸事無不兼理一日種菜次老人至問作甚麼予云種菜老人云爲衆爲已予云請和尚分析老人云將謂你道得予以掘子打地三下老人休去予因看幻菴師至棲真叅林老和尚予云特叩寶山便請賜棒林云老僧沒氣力予便喝林云三十棒自領出去予展具云人事道中合禮三拜遂至客寮乃見幻菴師敘事畢幻乞同舟至永正省覲老人舟中談及四寶主話幻便問如何是寶中寶予云沽名釣利拋鄉井直至如今不見歸幻云如何是寶中主予云拖泥帶水閒行走拄杖從來不離身幻云如何是主中寶予

云爲憐樵子迷幽徑暫竚谿邊作指陳幻云如何是主中主予云正令全提無向背凡情聖解豈能容幻云祇如不立寶主一句又作麼生予云風急船行快天青日影高幻云不負吾兄親近老人子云且莫惡口幻云賊物現在予便喝幻乃休一日龍池萬老和尚至如如菴予往禮問後生晚進乞垂方便萬便打予云恁麼則某甲禮拜去也萬云你見甚麼道理予便喝萬復打予拂坐具便出辛卯冬老人赴當湖檀越屠公請住竺隱禪院予充監院力爲修整乃成叢席一日同完初屠公請老人觀海登陳山老人驀問

水牯牛犢予捏兩拳加頂上老人云且喜穿却鼻孔
子轉身便行老人云一任蹣跚予機緣頗有不及每
舉甲午春濮溪護法復請老人赴永正檀越屠公乞
留主持予切欲隨侍乃白老人舉幻菴師繼席卽隨
同往至老人誕日衆請上堂予問父母未生前請師
道一句老人云未問已前答汝竟予云世尊降誕地
湧金蓮和尚生日有何祥瑞老人云今日衆居士請
山僧陞座予云恁麼則斷橋嫡脉流千古臨濟宗風
萬派傳老人云速禮三拜予拂具歸衆是冬大凍老
人脾疾甚危體弱怕寒向囚老人有願不着絲綿子

祇得違命重整衣被再三求懇乃得更換捐已衣資
湊買參附蒙神醫德士幸而病愈老人志欲靜養予
同敬泉沈居士築室長水延請事奉老人卽命之曰
退菴是乙未春也時金明老和尚同本師老人重建
普明用祖塔於興善命予監理工畢卽同送靈骨入
墓己亥冬予欲掩關呈偈老人得蒙慈允乃關居永
正老人遂依韵賜詠曰巾瓶不倦喜忘春危險親徵
義更深惡棒痛敲因徹骨玄言聖誨要知音幾臨禪
刹憑君輔每患沉疴賴爾任有問關中何所事直須
拈出祖師心值中秋夜老人舉馬祖翫月話問衆云

古人恁麼道汝等各下一語看予云金屑雖貴落眼成翳復呈頌云孤輪炯炯耀無隅今古婆心義不殊極目清光堪繼賞爭如擊碎驪龍珠老人稱善辛丑春因乏監院金明老和尚特蒙過院乃同老人命予出關明亦賜偈曰凋林欲挽正斯時何必拘拘俟滿期放出從前真面目移風易俗好施爲時檀護畢集請老人啓關予乃問自入關來事最親經行坐臥本天真忽蒙擊碎虛空鎖躍出金烏萬象新老人云更道看予一喝老人云也不虛過予禮拜云謝和尚證明老人打一棒云且道是賞你罰你予云有意氣時

添意氣不風流處也風流老人遂付囑偈曰是心非有法是法本非心心法俱空寂真宗耀古今予自愧匪材不能重任難違慈命勉爾承當是三月望日也老人命主院事予義不能辭竭力支撐因佛相淋漓殿房坍塌局面未全深自慨惜卽將祖產變賣啓建山門併募善信重裝金像整葺堂房添置什物庶得小就已完老人之念雲水往來以便接納老人生平孤潔懶涉世緣適過五旬大慶卽同兩序命予主席予乃涼德多愆何當繼紹舉請冲默法兄默亦過遜因請通濟法兄住持遂辭檀護卽同老人仍歸退菴

是甲辰中秋十日也次年編刻老人全錄春間承金明老和尚并老人命重梓普明芻祖語錄至秋同別駕牧公衆護法送入楞嚴經坊流行予不唯羸病且歷經險厄志願隱山終其殘喘故雖有一言半句付之鳥有今因大衆堅請再三祇得復將從前醜拙分明舉似若是伶俐漢向智上座未出母胎時覷破是親見也何用繁爲雖然欲躋無上毘盧頂不礙從卑漸次行衆皆歡喜禮謝而退

當湖佛弟子羽生屠行符敬梓

斷愚智禪師語錄卷上

終

嘉興退菴斷愚智禪師語錄卷下

侍者機純等錄

頌古

世尊初生

指天指地獨稱尊攪動須彌海嶽昏不是韶陽行正令幾多賺入鬼家門

世尊觀星

纔出孃胎示本顏明星一覩眼睛穿如來德相咸皆具夜半優曇火裡鮮

世尊拈華

拈華顧視豈無端
百萬人天總自瞞
金色頭陀重漏洩
真風凜冽骨毛寒

世尊陞座

老漢家風已顯然
文殊何必又重宣
當時若是英靈客
肯向他山聽杜鵑

世尊下忉利天梅檀像出迎

高懸古鏡照無偏
萬象森羅似宛然
我也笑時渠也笑
不如撲破絕媼妍

世尊因文殊門外立

熱心人惹是非多
內外何曾有自他
無角鐵牛耕海

底懷胎石女唱巴歌

世尊未離兜率已
降王宮未出母胎
度人已畢大巧若拙
大智若愚四維上下
無人識渠

世尊因文殊出女子定不得

一本桃林不假栽
園丁何必強安排
由來灼灼花天艷
祇在春風拂便開

世尊因普眼菩薩欲見普賢

兩次三番意正濃
普賢不見許誰同
依稀似曲纔堪聽
却被風吹別調中

世尊因乾闥婆王獻樂

乾闥婆王奏樂時山河大地悉如斯電光石火難通
信端的應須祇自知

世尊因五通仙人問如何是那一通

那一通你問我須彌倒卓日當午堪笑騎牛更覓牛
分付禪流休莽鹵

世尊因波斯匿王問勝義諦中有世俗諦否

一二義諦水銀墮地逼塞虛空有甚巴鼻咄

殃囑持鉢

凍鎖寒梅一段香春風纔拂便芬芳青山綠水仍如
舊莫向枝頭較短長

世尊因調達佛生身陷入地獄令阿難傳問

三禪天樂自和諧其奈渾身個裡埋爭若奮然張意
氣管教是處絕安排

世尊臨入涅槃文殊請再轉法輪

四十九年曾未說未稍再請復何宣法輪轉處難迴
避逼塞虛空徧大千

天親菩薩自彌勒內宮而下無着菩薩問

問處分明答處親緣陰枝上鳥啼春梵音清雅超凡
聽不是其人豈易聞

維摩居士因三十二菩薩問疾各說不二法門

毘耶一默義偏雄不二門開觸處通夜半無燈香閣
靜鞦韆垂在月明中

迎葉尊者因阿難問世尊金襴外別傳何物

金襴之外復何傳弟應兄呼倒剎竿佛眼直教窺不
得兒孫由是逞顛頑

圓覺一切障礙卽究竟覺

飯後茶三盞禪餘書幾行本無焦渴患何用樂清涼
雙林善慧大士因梁武帝請講經

一卷經文寶鏡明河沙妙義剎那評當時不得誌公
老未免人呼作白丁

初祖自梁涉魏至少林面壁而坐

九年冷坐少林前劈脊誰能下一拳不是神光親覩
破一花那得至今傳

二祖安心

忘軀爲法乞安心不識羞慚滿面塵却被老胡輕一
拶了然直下喪家珍

馬祖陞堂百丈捲席

陞堂捲席意相投脫體風流孰與酬昨日鼻疼今不
痛分明舉似有來由

南陽慧忠國師因代宗帝問百年後所須何事

孤孤迴迴絕羅籠不假人間造作工
祇爲躑源饒舌後翻令描摸在朦朧

丹霞因過慧林寺值凝寒乃取木佛燒火向

滔天巨水涌江干短棹徒教望遠灘
忽地風飈摧折後一鉤新月逼人寒

南泉斬猫

猫兒提起意分明剛刃揮時正令行
耐群英都不薦草鞋頭戴爲施呈

魯祖凡見僧來便面壁南泉聞云

池陽面壁也無端痛下金錐孰解看
王老頂門加一

拍從教血濺梵天寒

石鞏接三平

老将從來膽氣弘當場血戰愛英雄
金鞭轉處乾坤黑降馬猶憐卸甲風

國師三喚侍者

三呼三應墨中煤玉芥金刀劈不開
負汝負吾重剖析依然滿面是塵埃

藥山因李翱刺史訪

雲在青天水在瓶應知此道出常情
渠儂自得看經趣換却時人眼裡睛

德山托鉢

詐啞裝聾老德山
墻至戶裂實難關
家私却被傍人見
醜態相傳覺赧顏

臨濟在黃檗三度問佛法大意

三頓烏藤恨未休
大愚一點豁雙眸
歸來便把虎鬚拈
倒嶽旋嵐出衆儔

布袋和尚

嘗拖布袋在通衢
狼藉家私孰識渠
世界大千都着盡
更爲拈出示無餘

趙州因僧問如何是和尚家風

家風纔舉便郎當
逐塊禪流又着忙
覲面不知千里隔
如何洞見黑心腸

古德不出方丈到莊喫油糞

齋時獨不赴雲堂
也是無端着死忙
幸自子期能解會
高山流水別宮商

趙州喚文遠

東司頭上高高喚
步下輕輕應一聲
此話已經人落耳
長江有水洗難清

子湖狗

子湖堂前蓄隻狗
藏頭露尾誰知有
從來不顧觀與

疎擬議遭他祇一口

南泉因趙州問如何是道

平常心是道白布休粘皂倦卽便唾眠寒來添衲襖

趙州因僧問萬法歸一

佛祖從來說不到盡情抖擻與諸人明明那事無今

古日照青峯朶朶新

雪峯因三聖問透網金鱗

金鱗透網絕羈留誰敢揚帆下餌釣不是拏雲擒霧

手何當倒嶽與傾湫

臨濟囑三聖偈

沿流不止問如何殃及兒孫會也麼羅古騰今難蓋
覆一輪皎潔印千波

眞照無邊說似他當機直指絕誦訛洪鐘扣發驚群

夢石曰風吹念佛陀

離相離名人不稟鐵牛夜半過牕櫺堪憐無限叅玄

客錯認胡蘆作帝瓶

吹毛用了急須磨閃爍寒光孰奈何奮怒那吒纔觸

犯血流滿地罷干戈

趙州因僧問狗子還有佛性也無

狗子佛性有無鐵蛇橫在當途瞎眼波斯踏着管教

喪却全軀

臨濟上堂僧出作禮濟便喝僧曰老和尚莫探頭好濟曰你道落在什麼處僧便喝濟便打又僧問如何是佛法大意濟便喝僧作禮濟曰你道好喝也無僧曰草賊大敗濟曰過在什麼處僧曰再犯不容濟便打乃曰大衆要會臨濟賓主句問取堂中二禪客

賓主交叅殺活全奔流度刃火中蓮堂中禪客分明示誰道渠儂是白拈

趙州訪二菴主

竿木隨身逢場作戲放去收來衲僧巴鼻

香嚴示衆若論此事如人上樹

一等全提向上機無錐地漢做來奇當場不畏傍觀眼別有威聲動四維

鼓山折箭

中途箭折有來由誰料奴渠語更優大抵還他肌骨好不風流處也風流

寶壽第二世見相打曰得恁麼無面目遂大悟浩浩塵中渾不覺一拳打着脫然空森羅萬象齊顛首依舊扶桑涌日紅

保福四謾人

却是你謾我賊身淨裸裸誰知陝府牛吞却嘉州虎
趙州因僧問承聞和尚親見南泉是否

南泉親見不謾人蘿蔔拈來直指陳大塊秋毫非別
物千紅萬紫總皆春

九峯勘首座

枯木堂前花正春炷香脫去未爲真一條白練如龍
活賺殺叅玄幾許人

雲門上堂乾坤之內

當陽拈出形山寶燦地輝天徧界彰坐臥經行如不

薦燈籠佛殿漫搏量

船子覆舟

沒踪跡處莫藏身二十年明此事親呈起橈來無別
有踏翻船子脫然新

趙州勘婆子

婆子掀翻滄海去趙州踣倒須彌回奈我一雙窮相
手未曾容易舞三臺

法眼示衆者裡聚集少時爲上座僧堂裡者裡
聚集少時爲上座山門頭者裡聚集少時爲上
座寮舍裡爲復說上座過別有道理、

山門寮舍與僧堂靚面全提不覆藏姪女已歸霄漢
去欲郎猶自守空房

臨濟四料揀

烟塵掃盡顯朝綱萬疊江山總大唐一片皇風無內
外謳歌鼓腹滿邊疆

興化因僧問四方八面來時如何

戴角擎頭將虎鬚當機直指絕離微重拈古廟藏身
處賺殺平人犯夜歸

三界唯心萬法唯識

一二三四五五四三二一久拋搥捶頭拈起無倫匹

趙州問僧曾到此間麼

相逢祇喚喫盃茶沾着通身徹骨疼伶俐衲僧多意
氣骨教別有好生涯

興化在大覺爲院主

杖頭豪氣孰同儕撥轉機輪當下灰一炷香焚恩不
負孤賒捉敗古今該

南院上堂赤肉團上壁立千仞

絕遮攔處復遮攔獲下南洲小洞蠻赫赫旌旗揮轉
處滿天愁霧鎖青山

龍濟示衆是柱不見柱非柱不見柱云

撰述
卷下
飢來喫飯困來眠兩脚長伸得自然若把是非來辨
我知君猶欠喫粗拳

風穴陞座顧視大衆首山便下去穴便歸方丈
纔登寶座揚家醜爭奈傍觀不耐看一把柳絲收不
得和烟搭在玉欄杆

首山竹筴

赫赫全提驗棟材堂堂大用出塵埃兩頭坐斷未相
許更擬如何劈脊揮

慈明峯汾陽經二年未許入室

倒腹傾腸舉似人其如不薦屈難伸一朝捉敗非輕

處眼蓋乾坤氣宇新

天衣懷禪師示衆百骸俱潰散一物鎮常靈百
骸潰散皆歸土一物常靈何處安

秋來葉落總歸根春至花開徧界新一片寒心付流
水不知幾是報恩人

五祖謝監收上堂人之性命第一須是○欲得
成此○先須防於○若是真○人○○

重重分付最慙懃演祖何會動嘴脣若向此中窮徹
骨方堪携手入鄮陳

古云大智發於心於心何處尋成就一切義無

古亦無今

有有中無無無中有猴愁搜搜頭狗走抖撒口
杭州淨慈斷橋妙倫禪師叅無準和尚準以狗
子因何有業識令下語凡三十轉皆不契倫云
可無方便乎準乃舉真淨頌曰言有業識在誰
云意不淡海枯終見底人死不知心示之倫悚
然良久忽聞板聲大悟

古德六刮

一擊通身脫誰爲業識來真燈從此續烜赫耀無涯
塵毛除去眼中花皮肉蠲來未足誇髓骨直教都刮

盡爭如隨分納些些

天台瑞巖方山寶禪師叅斷橋倫祖祖室中嘗
舉萬法歸一示徒一日寶侍次祖拈菟菜根示
之寶忽大悟

等閒拈示有來由譬爾知恩便徹頭正眼豁開凡聖
盡兒孫遞代逞風流

瑞巖寶禪師因無見親叅便打覩一日作務次
豁然大悟遂呈偈曰選佛甲科喜莫量大千沙
界一禪床嗔拳痛棒知多少今日恩忘怨亦忘
寶以偈印之

傾盃空着本無意却還錢坐斷華峯頂真風播御簾
天台華頂無見覩禪師四十年足不越閭至正
賜號妙明真覺白雲度問西來密意未審如何
頂曰待娑羅峯點頭卽向汝道雲於言下大悟
梗將生鐵錘捏出黃金汁寄語長安人莫把長安覓
南京大崗月溪澄禪師凡見僧請益乃曰佛法
不是鮮魚怕爛却那卽趨出夷峯寧侍傍大悟
栗棘金圈事絕倫何期室內有知音都緣惡辣難棲
泊留得丹心煥古今

繡州天寧法舟道濟禪師因五臺陸公問畫前

元有易否寧曰若無將什麼畫公曰畫後如何
寧曰元無一畫公曰現有六十四卦何得言無
寧曰居士莫着文字好公曰請師離文字發一
爻看寧召五臺臺應諾寧曰者一爻從何處起
鴛鴦重繡出暗地度金針曲盡千般妙全拋一片心
繡州敬畏無趣如空禪師元旦示衆曰今日新
年第一日圓明普照恒沙國群靈咸在此光中
皆得如來三昧力汝等還會如來力麼以兩手
作掇石勢云過拙來時有僧問重多少趣曰飯
袋子輕重也不知

當陽直示本無私蒙懂禪流尚不知見徹老人垂手處方爲出格丈夫兒

杭州徑山無幻性冲禪師因編無趣錄歸趣曰
子一向做得個什麼山曰性冲買得一段田收
得原本契書請和尚簽押遂將錄呈上趣接得
曰者個是我底你底聾山曰和尚莫攙行奪市
趣擲下錄本山便出

水乳機投非分外分疆立界太無端兒孫幸得今朝
力萬國春風一統看

無幻和尚因僧問如何是提婆宗幻曰一字不

着劃僧云某甲不問者個幻曰圓相不着圈

崑崙顛倒舞北斗面南看不遇知音者徒勞話歲寒
無幻和尚燒火次僧問如何是自性天真佛幻
曰與我搬取一束柴來僧搬柴了又埋前問幻
曰者奴子好惡也不知便打

自性天真佛云何向外求當機如委悉恩大莫能酬
嘉興典善南明慧廣禪師時徑山爲首衆一日
地上拾片紙視之有觀方知彼去去者不至方
之句忽大悟乃自幻幻印可

拈搔堆頭親撞着面門從此得昂藏五峯頂上烹英

傑一段真風萬古揚

南明和尚徑山示衆曰五峯頭卓朔雙徑尾顛
先喝石巖一任踔跳明月池覆地傾天此四句
中有一句有殺人刀無活人劍有一句有活人
劍無殺人刀有一句殺人刀活人劍俱有有一
句殺人刀活人劍俱無揀點得個儻分明許你
參學事畢

獅子咆哮自出群驚翻海嶽震乾坤佛魔到此無踪
跡野狂徒教裂頂門

南明和尚因聞谷大師問了卽業障本來空未

了應須償宿債獅子尊者因甚被扇賓國王斬
却南曰本來空聞云爲什麼王臂自落南曰本
來空聞云和尚意旨如何南曰本來空

問處絕毫釐答處填溝壑捉敗老南翁始信乾坤廓
錯出穴猛虎戴雙角

建寧普明芻湖妙用禪師謁湛然和尚問目前
無法意在目前其旨如何湛曰聞令師出關是
否明曰不是目前法非耳目之所到又作麼生
湛揖曰請出我要止靜明便出

作家相見果非常舒卷同時徹底揚更有一般奇特

處任教天眼莫窺光

普明老和尚同雪嶠大師上弦夜翫月次嶠指
月問那半個在那裡去了明良久曰會麼嶠曰
也祇得半個明却問那半個在那裡去了嶠亦
良久明曰也祇得半個嶠乃呵呵大笑

皎皎透雙眸相將覲面酬清光
吞宇宙何處不風流
普明老和尚因僧問迷中有悟悟中有迷如何
是悟中迷明曰亂問作麼

纔問悟中迷全提向上機
大鵬擘海水鐵馬透重圍
繡州永正一初悟元禪師參鴛湖老人一日禮

拜起湖舉拳云道一句看正便掌湖亦掌云且
道你一掌我一掌甚麼意旨正云請和尚珍重
湖乃休正一喝便出

有縱有奪能主能賓象王迴旋獅子嘖呻莫怪渠儂
多意氣精金百煉越光新

永正老和尚因報恩祖林上座問既是斷橋因
甚得度斯遠正卓拄杖云全承渠力

全承渠力不顛頂耀古騰今
續正傳分付英流高着
眼當知慧命永綿綿

既是鴛湖因甚水無二色正云大地沾恩

大地沾恩直指陳通身徹骨要知津源頭水活流無
盡華放優曇徧界春

一不成兩因甚更喚作初正云無處不稱尊

堂堂無處不稱尊萬象之中獨露身見徹溪溪親的
旨金毛吞却玉麒麟

永正老和尚因僧舉竹篋子話問聲未絕正便
打僧云恁麼則學人禮拜去也正云獅子咬人
韓獪逐塊

背觸俱非問作家當機直指驗龍蛇不知殺活全提
處將謂無端又撒沙

頌偈

和普明禪師牧牛頌

未牧

良田不顧恣咆哮頭角崢嶸路轉遙歷遍幾多危險
處那知回首惜靈苗

初調

今朝鼻孔始將穿劣性生惺盡力鞭縱使驀然狂跳
躍祇消牢把索頭牽

受制

見得調來息妄馳芒繩緊緊且相隨林泉野色雖堪

翫豈可忘勞力暫疲

回首

歷盡艱辛瞥轉頭肯將鞭索放教柔嘗逢香草清泉處恐起貪饕尚繫留

馴伏

古木陰中碧水邊縱橫收放總悠然牧童歸去天光晚步步相隨不用牽

無礙

翛然物我兩相如柳陌陌花衢何所拘溪北溪南王化裡橫吹短笛樂盈餘

任運

岸柳溪桃花影中隨渠飲啄步芳茸牧童瀟灑烟霞外徹體風流睡興濃

相忘

人牛脫畧沒邊中彼我渾無異與同一片白雲光皎潔滿山明月絕西東

獨照

拍雙空手獨幽閒豈似尋常麓水間信步歸來孤月冷還須撥透那重關

雙泯

人牛到此影無蹤雲淨寒光透碧空底事明明休更
問黃花翠竹綠陰叢

和金明宋天封佛慈禪師蜜蜂頌五首

衝烟涉露採花時
深入香林滿帶歸
歷徧雲山咸自得
豁開雙眼任翻飛

千花萬藥足生涯
來去優游孰共衙
滿目風光從所適
兒孫翼翼自成家

徹底掀翻窠臼時
赤條條地絕支離
豈如迷蝶空遊戀
留得甘甜蜜潤脾

靈明透徹最風光
飛舞翩翩各自忙
銛利針鋒誰敢

觸痛心一劄直須當

勘破浮華復隱桐
箇中關捩悉皆通
從茲飽腹無餘事
一任芳菲鬪紫紅

禮徑山無幻祖塔

濟水汪洋自有源
祖翁嫡脉亘長天
當陽迴出摩醯眼
萬古恒開陸地蓮

呈本師老和尚冷灰豆爆

玉蘊荆山珠隱淵
忽逢良匠豈能潛
一聲爆地無圓互
脫體風流顯衆前

典善卽境

寶閣凌空紫氣雄
碧溪環秀羨來龍
嗟峨雙塔蒼烟裏
儼若當年靈鷲峯

掃鴛湖老人塔

秀萃秦溪古刹中
福臨此地是真龍
老翁高蹟巍然示
傑出禪林第一峯

呈本師老和尚乞掩關

爲法忘軀不計春
巾瓶久侍受恩深
每經痛棒難伸屈
更切提持已報音
祖席定非堪繼紹
精修庶是可擔任
關中得滿三年願
再乞慈圓巖寶心

祝金明介老和尚

師壽莫能量
森羅共讚揚
道風遐邇播
法席古今彰
濟水興波闊
眞燈續燄長
滿筵龍象擁
華放碧曇香
重陽隨本師
和尚登岳陽山

沙堤遙望滿林秋
執杖登高興轉稠
汲水煎茶泉眼活
鋪毡設座景風優
海天渺渺同師德
山樹濛濛亘古猷
侍久不知歸棹晚
謹將瓶子注龍湫

祝典善馥生大師

群然大慶出尋常
海納山容豈較量
碧漢迸輝雲戶月
金風吹綻桂枝香
衲衣高隱秦溪秀
竹杖橫拈獨照長
嘯傲烟波清晝永
從教緇白共稱揚

答素弘法兄

時住蘭若

華屋隣溪住悠然唯爾家
開軒迎皓月移杖款丹霞
野渡垂絲釣游魚
啜影花香風時遞
遠蘭若道聲嘉

答古鑑禪師

宗風久已播嘉聲
名利於今喜得人
振起如如新氣象
春光仍復照遐津

留幻菴禪師住竺隱

道誼交來豈計春
庭梅幾度吐香新
法筵慈命應須繼
不獨弘宗可養親

答素穎法兄歸闕

守拙忘年盡已衷
禪波浩瀚豈能窮
願聞八閩提綱要
自愧疎愚負祖風

和牧公項法兄蕙詠

巳亥年植盆蕙
次春不發至庚戌忽發一枝

冰霜歷載久埋身
金谷瑤林竟不春
何幸挺然連放萼
香風無處掩其真
雲林深隱幾經年
忽放奇姿勝藕蓮
且喜聯芳名不昧
敢云諸卉漫爭先
天然雅韵愜幽情
不假丹青點綴成
滿座清風堪足羨
團圞共坐話無生
祝冲默法兄六袞

撰述

臨惠禪師詩集卷一

每憶同門誼惟兄契最先
忻逢花甲啓竚聽法音宣
慧海搏紅日高風播碧天
南山當聳翠祖脉自綿綿
答通濟法兄住永正

本師法道若深淵病骨何能任
此緣喜得吾兄欣拽
杖直教濟水愈滔天

喜當湖羽生屠檀越過退菴

荒林幽且靜忽聽語聲揚
盃注天池茗爐添栢子香
道交猶水乳意洽若笙簧
幸得安閒法來增斗室光

示徒

時中切莫妄攀緣
動止當觀上古賢
師德親恩應不

負急須參透未生前

示德峯上人

明德由來出衆峯
個般消息要須窮
百城烟水緣何
事樓閣門開信步通

聞鐘示雲徵張居士

披襟禪寂坐靜聽水雲鍾
惺發幽林鳥驚翻巨海龍
聲逾軒外竹響度嶺前松
會得其中意同遊般若峯
咏梅示敬泉沈檀越

冰肌玉艷白盈空
香散幽清月色融
不染一塵澄徹
甚共堪涵養性天中

支那

新編禪師語錄卷一

七

聞蛙示衆

趺坐方床靜夜深蛙聲歷歷契禪心灼然物我渾無
二者點靈光絕古今

插田示衆

竭力耕鋤倦不休拖泥帶水汗淋漓長歌到處聲嘹
唳祖意西來莫別求

勸放生

一體同觀莫恣饕堪憐活剝與煎燒此時悅口殃誰
致他劫償渠果自招須種福田如日永好翻業浪若
水消蠲除籠網從飛躍海角天涯德被遙

勸修淨業六首

無論老幼及賢愚好把彌陀佛號提自性天真全體
現金蓮臺畔接歸西

莫戀紅塵念佛陀樂邦絕勝苦娑婆有緣善士親能
到千葉華香島獻歌

識得彌陀大覺仙舌尖常現百餘千白毫光照河沙
界馥郁華開七寶蓮

捉敗家中六賊奴西方不異此娑婆彌陀時刻常垂
護引導衆生出愛河

不昧彌陀自性天紅塵堆裏踏青蓮香風時復吹人

惺佛境分明在目前
彌陀念徹絕追求
罪性元空不用鈎
天上人間堪自適
河沙法界一毫頭

警世十首

勸君猛省懼塵埃
好把菩提路踢開
直入如來不退地
何妨利衆去還來
終日波波盡屬埃
罪門緊閉有誰開
祇因把髻自投入
淪溺幽冥不易來
貪迷造業墮塵埃
我佛慈悲善戶開
權把三乘法教化
聞修定自樂那來

凝神靜坐莫沾埃
縱有紛紜總放開
究竟未生誰是我
定然驀地撞將來

若得居塵不染埃
猶如茵蓐水中開
人間天上誠堪羨
物外逍遙好去來

三千諸佛淨無埃
妄自塵籠障不開
瞥地歸真明實際
方知觸處卽如來

一念歸真豈有埃
百千業鎖廓然開
了知生死渾如夢
佛國天宮任往來
心地如能絕點埃
性園常自覺花開
他時果熟香飄日
不枉閻浮去復來

大地山河非土埃草頭祖意潑天開森羅萬象如如
體隨處瞿曇示現來

識得紅塵不是埃任君收捲任君開縱橫大用誰能
測踏徧乾坤彈指來

示學道八首

學道如撐逆水舟手中篙子豈輕丟一槁不到舟傾
覆得過巔涯未可休

學道如兒到遠方迄今猶未見還鄉時時刻刻倚門
望一旦親逢喜倍常

學道如行快櫓船善操不借索來牽通身冷煖渾忘

却欲到家山猛向前

學道如人入戰場拚身捨命要征降假饒百萬軍騎
敵得勝歌回意自強

學道如歸萬里程急須努力上前行一朝得到家鄉
處玉樹花開香更清

學道如磨鏡上塵蠲除淨盡乃方親本來面目自成
現妍醜分明豈問人

學道如童牧牯牛一回入草一回收直教不犯他苗
稼猶把鞭繩緊緊繫留

學道如獅吼一聲百千野犴悉皆驚青山綠水無求

侶明月清風樂自盈

永正卽事八首

施茶

普濟香茶滌悶埃頓教煩熱卽時開
休嫌永正家風別祇要當人知味來

插蒔

田田綠水淨無埃陌陌如龍界
畔開插遍青禾農盡樂灼然恩自聖天來

耕牛

堪羨牛兒犁土埃荒蕪淨盡賴渠開
不知力盡神疲

苦反益鞭笞促去來

禱雨

狂風終日掃塵埃括盡浮雲四望開
水涸苗黃農力倦願施甘雨沛然來

車水

偉哉步步迴塵埃瀑布瓊花足底開
凭桁若行千里此身無去亦無來

懸幡

彩幡高掛拂雲埃試看巍然殿貌開
不是老盧親口示那知覲體現如來

棋述

古井

幽瀾漱玉梁無埃爲惜行人路畔開汲飲頓教涼徹
骨甘泉須信有源來

琉璃

湛湛圓輝絕點埃鐵圍徧照悉皆開光明花向空中
現智慧根從頂上來

和本師老和尚韻八首

竺隱清修

無涯法海最深淵清隱高風詎可宣一任碧峯南拱
揖且從秀水北環聯梵宮香霧氤氳合叢樹幽禽來

往翩暮鼓晨鐘空世想并心叅叩大金仙

禪餘覽勝

寶鏡當軒耀碧淵交光映徹妙難宣金風拂拂銀河
湛玉露洋洋珠斗聯雲外天香來馥馥案間雅句綴
翩翩陽春自愧難賡和聊續荒詞奉上仙

古院晨鐘

遙送鯨音過鼓淵洪聲普震豈能宣三千界內光明
徧百八鳴中緊慢聯敲惺晨雞啼杳杳驚殘迷蝶夢
翩翩竹移青影東臆曉又得慇懃事大仙

沙汀落雁

支那

新編禪師語錄卷

卷

晚霞靄靄映湫淵雁集平坡數莫宜蓮渚流清從飲
啄蘆汀沙煖任棲聯長天隱隱排行字遠水迢迢照
影翩間望秋江無限意逍遙何羨醉樓仙

海天一望

疊疊峯巒香隔淵水雲縹緲景難宣天呈圖畫分濃
淡地獻鯤鯨鯨啓斷聯坐絕妄緣禪寂寂行吟幽思興
翩翩乾坤極目承誰力自信全超不壞仙

秋庭咏菊

昔時佳興羨陶淵今植山房幸莫宜銀艷金姿清貴
富瓊葩翠葉錦奇聯游蜂永絕喧相擾浪蝶難教擅

便翩歷盡曉霜終不萎幽芳得獻大羅仙

湖山烟雨

冥蒙山色暗龍淵陰氣冲號曷可宜烟樹數家相掩
映滄波千頃漫淪聯雲生深谷樵迷徑雨洗荒林鳥
絕翩詎訝披簑垂釣叟悠悠物外勝神仙

新秋晚霽

碧漢斜陽漱玉淵澄空瑩潔莫能宣紅霞燦燦光涵
曉綠水迢迢波影聯吹浪游魚歡踴躍凌風歸鳥兢
翩翩江天一色真堪羨偏契林泉出世仙

自述

撰述
卷之八
余心同霹靂所作威忠直事事效先賢心依古德
六根不染塵一體豈沾色非已敢稱誇惟天能委悉

咏雪

閒坐明牕下紛紛落滿林爛銀鋪竹徑碎玉點衣襟
訪友人迷路尋梅客阻心野僧將遣典聊作一篇吟

風箏二首

骨格雖微氣量豪扶搖而上不辭勞祇因自有凌雲
志故爾飛騰霄漢高
有爲物色本無情一線靈通得上昇時至高鳴人仰
望日難窮處孰能聽

火爆

頂門竅發震雷霆驚起群孽徹骨慳直得分身徧塵
刹當陽誰敢觸其英

山居十五首

自處重巖渺客來幽林小徑長蒼苔清風明月堪爲
伴野蕨藤花不用栽
乍入山來懶閱書携鋤且自墾茶畝談玄設妙渾閒
事一飽忘飢樂有餘
携杖穿林野興濃子規啼徹百花叢見聞不昧機先
事一段風光觸處通

似兀如癡口懶開了無閒事掛心來飢時撥火煨黃
獨飽後烹茶飲數盃

幽鳥聲聲宣妙法榴花灼灼顯真機燈籠露柱堪相
委色見聲求豈易歸

坐倦和衣展脚眠躬鼻息任余便猿啼檻外驚殘
夢紅日團團映滿簾

岸柳籠烟綠更濃溪桃映日水浮紅風晴雨霽春三
月幽鳥一聲深樹中

移坐巖前就碧天閒縫破衲少針穿黃蘗麥飯隨時
過自喜清貧勝濁緣

綠陰深處囀黃鶯若個知音洞眼睛爲報叅徒休外
覓瞥然回首是家程

數載烟霞遠市鄜甘心冷澹絕攀緣松風竹韻閒消
遣野鹿群猿伴我眠

溪棲巖竇是良方喜自墮頭歲月忘閒把蒲團敷地
坐不知日暮與天光

庭花帶雨折簪瓶紫芋添葢煮破鑪幸自檀那輸國
課茅菴無事樂閒情

竹戶閒關坐石床休心碧嶂度餘光庭前古栢無冬
夏那計籬邊幾綻黃

茅舍深棲養病身無思無慮樂天真
閒名久謝誰相識一覺安眠意最親

終日昏昏過了休無論寒暑與春秋
有人問我成何事一個粗拳劈面酬

禪門十事

源流

如來親血脉鼻祖嫡津梁德越乾坤永
光逾日月長

拂子

法王真慧命龍象莫輕浮鷲地親拈
示群峰悉點頭

拄杖

宗風憑繼續日用任施爲掃盡狐狼
跡堂堂更有誰

如意

縱橫皆自適動轉總隨宜指出形山
寶光明徧界輝

禪板

禪林遵警策海衆賴維持一擊虛空
碎嘖呻獅子兒

數珠

拈來爲道用提起示諸人直下知
端的當陽一句親

飲瓢

衲僧親活計顏子似同流飽腹無
餘事高懸拄杖頭

斗笠

千聖皆同脩羣英曷可虧團圜無縫罅日炙與風吹

蒲團

踟蹰堪穩坐定慧作根基爲報叅禪者須明向上機

蒞鞋

江山都歷遍到處不會離颺在紅塵裏無人識得伊

關中四威儀

關中行沒途程飯後欣舒步翛然絕繫縈

關中住無別務焚香閱古書何論朝於暮

關中坐屑懶簞豎起鐵脊梁那管蒲團破

關中臥衲被破鼻息任齁齁從來無夢作

十二時歌

半夜子床頭鼠敲自家耳噓一聲咸入穴中心暗喜
雞鳴丑眼開一物渾無有黑漫漫大地盡成獅子吼
平旦寅拈香擇火示天真勤禮佛徹體清涼絕世塵
日出卯生涯當處何曾少饅頭邊覆去翻來用不了
食時辰饑火炎炎事最親炊黍甑野菜和羹勝美珍
禺中巳花笑鳥啼無別旨閉蓬門堪歎迷流隨境使
日南午六地炎蒸何處躲一彈指豁開寶藏空今古
日昃未蒲團敷坐如來地沒心情那有工夫閒拭涕
晡時申囊鉢蕭然不厭貧無價寶圓明皎潔巨隨身

日入西黎徒莫怪無分割祇粗拳直下知歸休外走
黃昏茂一日功程方始畢更何為摩訶般若波羅密
人定亥威音王佛今何在阿呵呵天上人間絕對待

自讚 成侍者請

者漢別無伎倆惟能守拙退讓事師一點赤心應機
祇拈白棒自欣禪律兼規學者難為近傍生平懶合
時宜篤志淡棲雲嶂僅留殘質愧先賢莫把渠儂為
榜樣

當湖佛弟子羽生屠行符敬杵

斷愚智禪師語錄卷下終



